



SAVEZ IZVIĐAČA GRADA ZENICA
Ul. Maršala Tita br. 20 • www.sigze.org • e-mail: sigze@sigze.org



IZVIĐAČKO EKOLOŠKO TAKMIČENJE
“U SUSRET PROLJEĆU 2017.”
08.04.2017.

MLAĐI IZVIĐAČI I PLANINKE



O našem gradu

Zenica, administrativno sjedište Zeničko-dobojskog kantona, leži u centralnom dijelu Bosne i Hercegovine, baš kao zjenica oka, po čemu je, neki kažu, i dobila svoje lijepo i toplo ime. U posljednjih 100 godina je simbol ovog pitomog grada postala crna metalurgija i Željezara, u njenoj prelijepoj kotlini izgrađen je čelični grad poput oličenja novog industrijskog svijeta. Ipak, u dušama Zeničana se zadržao vijekovima prenošeni osjećaj za ljepotu i tradiciju, koji zajedno s poslovičnim humorom i prirodnom vedrinom čini ove ljude zanimljivim sagovornicima i gostoljubivim domaćinima. Zenica je danas univerzitetski centar, grad muzike i teatra, sporta i mnogo čega još. Zenica se danas i pored crne metalurgije smatra eko gradom i gradom prelijepih i velikih parkova. Zenica broji oko 140 000 stanovnika.



U susret proljeću

Izviđačko eko-takmičenje »U susret proljeću« se već 12 godina uspješno održava u našem gradu. Ono je već postalo tradicija zeničkih izviđača jer je ovo njihov dan, dan kada se oni nadmeću, takmiče u zdravom izviđačkom duhu, ali i dan kada se druže, upoznaju nove prijatelje i sklapaju nova prijateljstva, koja ostaju kao najtrajnija i neizbrisiva, vjerujemo ugodna uspomena.

Ovo takmičenje smo otvorili i za eko-sekcije svih osnovnih škola Zenice, te im poželjeli dobrodošlicu u našu izviđačku porodicu, tako da ove godine takmičenje organizujemo u tri konkurencije – za mlađe izviđače sa učesnicima iz cijele države, za izviđače i planinke internacionalnog karaktera i za eko-sekcije osnovnih škola.

I ovaj put Savez izviđača grada Zenica vas poziva da se družimo, takmičimo, da zajedno, svojim osmjesima i znanjem pokažemo čvrstu volju da ćemo da uradimo onoliko koliko možemo da prirodi vratimo ono što nam ona tako svesrdno pruža, i da se u svemu tome dobro zabavimo!

Pomozimo proljeću da zasja u punom sjaju i raskoši!

Dobro nam došli!



Satnica takmičenja

Jedna od karakteristika izviđaštva je disciplina i red, te stoga molimo sve ekipe da se pridržavaju sljedeće satnice:

08. 04. 2017. (subota)

do 9:45	Dolazak ekipa na takmičenje
09:45 – 10:00	Okupljanje članova SIGZ-aza Smotru
10:00 – 10:30	Smotra Savez izviđača grada Zenica
10:30 – 10:45	Svečana ceremonija otvaranja takmičenja
10:45 – 16:00	Takmičenje
16:15 – 17:15	Prezentacija 24. Smotre izviđača svijeta "OTKLJUČAJTE NOVI SVIJET 2019"
17:30 – 18:00	Svečana ceremonija zatvaranja i proglašenje pobjednika

Okupljanje ekipa za takmičenje je predviđeno na platou ispred Gradske Arene Zenica na Kamberovića polju najdalje do 9:45, a ekipe koje žele prisustvovati smotri SIGZ-a su dobrodošle!



Sastav ekipe

Ekipe se sastoje od **4 člana** i to u sastavu 2+2 (2 planinke + 2 izviđača) uzrasta do **15** godina.

Ukoliko ekipe budu u sastavu 3+1 ili 4+0, bit će sankcionisane oduzimanjem 10% odnosno 20% bodova od zbira osvojenih bodova. Ekipe koje u svom sastavu budu imale članove starije od **15** godina bit će sankcionisane oduzimanjem bodova, i to 20% od ukupno osvojenih bodova.



Humanost na djelu

"Ima ljudi koji imaju malo, a daju sve što imaju. Takvi ljudi vjeruju u život i životno blago, i njihove škrinje nikada nisu prazne." (Gibran)

Izviđačko srce je jedna bogata škrinja uvijek spremna pomoći onome kome je potrebno. Našem Seji, starješini OI "Smet", trebamo mi, njegovi vjerni drugovi izviđači, koji u grudima nose dobru dušu, onu dušu koja zna da se zajedništvom može prebroditi svaka nedaća, pa i ova koja je zadesila Seju, ali i sve nas koji ga volimo i poštujemo.

Udružimo snage i još jednom pokažimo svima da smo mi izviđači posebni ljudi.

Molimo Vas da u okviru svojih mogućnosti donirate onoliko koliko možete. Vašu donaciju spremljenu u kovertu ubacite u za to namjenjenu kutiju pri prijavi ekipa.

Iskreno Vam se zahvaljujemo na nesebičnoj pomoći.



Discipline

Predzadatak

Svaka ekipa dužna je da donese izviđačku maramu i amblem svog odreda, kao uspomenu organizatoru na učešću odreda na takmičenju. Marame i amblemi će krasiti prostorije SIGZ-a.

ZADACI NA STAZI

1. Konstrukcija staze
2. Test
3. Signalizacija (semafor)
4. Izviđačke vatre
5. Panoramski snimak
6. Prva pomoć
7. Čvorologija
8. Zaobiđi prepreke i ucrtaj put

1. Konstrukcija staze

Ekipe će na kopiranoj topografskoj karti određenog omjera sa određenim zadacima (8 zadataka) pronalaziti kontrolne tačke. (nx20)

2. Test izviđačkog znanja

Ekipe će dobiti test koji sadrži 10 pitanja iz oblasti izviđačkih zvijezda za mlađe izviđače i planinke. (nx10)

3. Signalizacija

Ekipe su dužne da u roku od 60 sekundi pošalju 20 slova. (max 60)

4. Izviđačke vatre

Ekipe po dolasku na kontrolnu tačku izvlače karticu sa zadatkom da naprave jednu od izviđačkih vatri. (max 50)

5. Panoramski snimak

Ekipe će po dolasku dobiti zadatak da na papir određenog formata nacrtaju određeni objekt. (max 100)

6. Prva pomoć

Ekipe će dobiti test sa 10 pitanja iz oblasti koje su zastupljene u programu zvijezda za mlađe izviđače i planinke, te nakon testa će izvlačiti karticu sa određenim zadatkom, kojeg će morati improvizovati na jednom od članova ekipe. (max 50)

7. Čvorologija

Kako bi učesnicima bilo zanimljivije i inovativnije, ovu kontrolnu ćemo ostaviti kao iznenađenje. Dovoljno je da učesnici znaju osnovne čvorove (ambulantni, mrtvi, skraćivaljka, ribarski, policijski, vrzinu petlju). (max 60)

8. Zaobiđi prepreke i ucrtaj put

Ekipa će pronaći put zaobilazeći vidljive prepreke krećući se u koloni. Minimalan broj dužina za prolazak dobit će na licu mjesta od kontrolora. Po prolasku ekipa će ucrtati put u zadanoj razmjeri. (n x 20)

Lična oprema (nx10):

- Izviđačka košulja
- Izviđačka marama
- Izviđačka knjižica
- Zdravstvena knjižica
- Kišna kabanica

Kolektivna oprema (nx10):

- Signalne zastavice
- Busola
- Mali ranac
- Pribor za crtanje

NAPOMENA:

Svi učesnici takmičenja i gosti dužni su se pridržavati izviđačkih zakona i paziti na svoju disciplinu, jer u slučaju neprimjerenog ponašanja učesnika ekipi se oduzima određeni broj bodova, kao i mogućnost diskvalifikacije od strane organizatora.

KOTIZACIJA:

Kotizacija po ekipi iznosi 5 KM.

Odredi mogu prijaviti najviše 2 ekipe.

NAGRADA

Organizator je za sve ekipe obezbjedio diplome za učešće a za prvoplasirane ekipe pehare i vrijednu nagradu za pobjedničku ekipu.

**Štab takmičenja i takmičarska komisija**

Načelnik takmičenja: Lejla Sarajlić-Fejzić

Takmičarska komisija: Amir Ibrahimagić, Belma Karić, Dino Švraka

**Način prijave**

Prijave slati na e-mail adresu:

usp@sigze.org

ili poštom na adresu SIGZ-a:

Savez izviđača grada Zenica

Maršala Tita br. 20

72000 Zenica

Rok prijave

Prijave dostaviti najkasnije do **31.03.2017.** godine

Blagovremena prijava se boduje sa 50 bodova.



Prijavni List

Patrola	
Odred izviđača	
Mjesto	

Članovi patrole

R/broj	Ime i prezime	Godište
1.		
2.		
3.		
4.		
5.		

Vođa puta

R/broj	Ime i prezime	Godište
1.		

❖ Odredi mogu prijaviti najviše 2 ekipe.

IZJAVA

Uprava odreda potvrđuje da je izvršila razgovor sa punoljetnim članovima patrole i s roditeljima maloljetnih članova i utvrdila slijedeće:

- Takmičari su ljekarski pregledani za ovakvu vrstu aktivnosti ili
- Osigurani u osiguravajućem društvu za ovakvu vrstu aktivnosti ili
- Punoljetni takmičari su samostalno, a za maloljetne takmičare su izjave dali njihovi roditelji ili staratelji (skrbnici) kojim se organizator oslobađa odgovornosti za vrijeme izvođenja takmičenja i odobrava sudjelovanje takmičara na takmičenju (u slučaju da takmičari nemaju obavljen ljekarski pregled i ne posjeduju osiguranje za ovakvu vrstu aktivnosti).
- Učesnici odnosno, njihovi roditelji ili staratelji (za maloljetne članove) saglasni su da se video i foto zapisi načinjeni tokom trajanja takmičenja mogu koristiti za potrebe prezentacije i promocije rada izviđačke organizacije bez traženja prethodne saglasnosti za svaku upotrebu tog materijala ponaosob.

M.P.

Starješina odreda
/Predsjednik uprave odreda/